

Մայիսի 28-ը մեր պատմության ամենամեծ տոնն է:

Հայաստան աշխարհի արժանավո՛ր քաղաքացիներ,

Սրտանց շնորհավորում եմ ձեզ՝ Հայաստանի Առաջին Հանրապետության հռչակման ազգային տոնի առթիվ:

106 տարի առաջ, 1918 թվականի այս օրը, մեր ժողովուրդը պատմության ամենածանր իրավիճակում ունեցավ մի բացառիկ քաջություն՝ հռչակելու անկախ պետականություն: Այդ որոշումը դարձավ ոչ միայն պետական կառուցվածքի սկիզբ, այլ նաև մեր ազգային արժանապատվության, վերածննդի ու ինքնության հզոր խորհրդանիշը:

Թեև ժամանակներն անհուսալի էին՝ պատերազմ, կործանված կայսրություններ, տեղահանություն ու կորուստներ, սակայն մեր նախնիները չընտրեցին հուսահատությունն ու լռությունը: Նրանք ընտրեցին պայքարը, հույսն ու ապագայի հավատը:

Այսօր էլ, մեր առջև ծառացած մարտահրավերների ու փոփոխվող աշխարհակարգի պայմաններում, մայիսի 28-ը գալիս է հիշեցնելու՝ մեր ազգը կանգուն է եղել իր կամքով, իր միասնությամբ, իր վճռականությամբ: Այդ կամքը պետք է շարունակենք կրելով մենք՝ այսօրվա սերունդը:

Եվ ուզում եմ հավելել, որ անկախությունն առանձին բառ չէ. այն շարունակական պարտավորություն է՝ մեր հայրենիքի նկատմամբ: Միայն միասնականությամբ, փոխհասկացողությամբ և հավատով կարող ենք ապահովել մեր պետության հզորությունը, մեր ընտանիքների բարեկեցությունն ու մեր հայրենիքի անվտանգությունը:

Յուրաքանչյուր քաղաքացի, յուրաքանչյուր ընտանիք, յուրաքանչյուր համայնք ունի իր դերը ու պարտքն այս սուրբ գործում:

Հարգանքով՝

Դավիթ Սարգսյան

Դիլիջան համայնքի ղեկավար